



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memoriæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Domus Æternitatis Beatae

Dirckinck, Johann

Coloniae Agrippinae, 1713

Consideratio 1. Domus beatæ æternitatis.

[urn:nbn:de:hbz:466:1-50615](https://nbn-resolving.de/urn:nbn:de:hbz:466:1-50615)



5



CONSIDERATIO I.

Domus beatæ æternitatis.

*Beati, qui habitant in domo tua, Domine,
in secula seculorum laudabunt te.*

Psal. 83. 5.

I. Aprilis.

I. **C**onsidera, tanta in Domo cœlesti reperiri gaudia, ut nemo mortaliū ea dignè concipere aut explicare valeat. *Excedit vires, inquit S. Augustinus, excedit facultatem eloquentiae meæ, transcedit capacitatem intelligentiae meæ, illud decus, illa gloria, illa celsitudo.* Serm. 44. de SS. Interim tacendum non est; aliquid etiam balbutiendo loquendum est, quod & considerationi serviat & affectui. Observa tamen: quidquid de tanta cœlestium bonorum magnitudine & affluentia, aut cogitamus, aut loquimur, aut scribimus, aut sapimus; cogitamus ut parvuli, loquimur ut parvuli, scribimus ut

A 3

par-

6 *Domus aeternitatis. Consideratio
parvuli, sapimus ut parvuli, & pueruli
lallantes: ideoque, exemplo Christi, de
regno Dei loquentis, parabolis ac simili-
tudinibus uti cogimur; sic cælum cum
artificiosis, inauratū que Regum palatiis
comparamus, ut aliquā ratione, ex un-
gue leonem, è vestigio pedem, ex um-
bra corpus, è lapide domum intelli-
gamus.*

II. *Exstruxit Sapientissimus Regum
Salomon, Domum Domini, magnificam
fanè & elegantem, septem annorum spa-
tio, nihilque erat in ea, quod non auro tege-
retur. L. 3. Reg. c. 6. Fabricavit deinde
sibi domum in nemore Libani, tredecim
annorum decursu, amplitudine & orna-
tu regiæ dignitati parem ad voluptates
& delicias regias. Filiæ quoque Pharaon-
is uxori suæ præstantem, ac magnifi-
cam ædificavit domum, interius & exte-
riùs, à fundamentis usque ad summa-
tem parietum ex lapidibus pretiosis. l.c.
Verè ædificium incomparabile atque in-
æstimabile; sive artificium, sive pretium,
sive decorē spectes. Sed quid sunt domus
eiusmodi, ad Domum Dei, & Beatorum*

Ubi

*Ubi vivis margaritis surgunt edificia;
Auro celsa micant tecta, radiane
triclinia?*

S. Petrus Damianus in hymno. Non sunt aliud nisi nidi hirundinum , aut cochleæ domi portarum. Aspice illam, nocturno tempore, stellis innumeris fulgentem ; & dic : si ea sic foris coruscat , etiam oculis peccatorum & brutorum ; quâ claritate radiabit intus oculis Sanctorum & Angelorum ?

III. Lustra & alias sumptuosas mundi hujus fabricas ; & idem formabis judicium. Pretiosa fuit Domus Neronis aurea; præstans Cyri Medorum Regis Architectura, à Memnone fabricata , illigatis auro lapidibus, septenīisque Orbis mirabilibus annumerata. Celebris fuit Alcinoi Phæacum Regis domus auro , argento, electro & Ebore fulgens , ab Homero descripta. L. y. Odys. Nec minùs miranda fuit Indorum Regum regia tota imaginibus argenteis distincta , columnis aureis fulta , quam ex auro vites percurrebant. Alexand. L. s.c. 24. Verūm quid omnes hæ structuræ , licet auro ,

3 Domus aeternitatis. Consideratio
gemmisque micantes, ad magnificentum il-
lud palatum; quod Rex Regum ac su-
premus cæli terræque Monarcha inha-
bitat, in eoque gloriæ suæ divitias electis
manifestat? Crede mihi; hujus regiæ cæ-
lestis intuitu, cuncta mundi hujus pala-
tia, non nisi lutea mendicorum tuguria,
aut straminea opilionum mapalia sunt
estimanda.

Affectus desiderii.

O Stellata numinis supremi regia! O
Domus magnifica, speciosa, admi-
randa, omnia Regum longè superans æ-
dificia! dilexi decorem tuum, & locum
habitationis gloriæ Domini Dei mei: ti-
bi suspirat peregrinatio mea, nocte ac
die: tibi inhiat cor meum: tibi intendit
mens mea; ad societatem beatitudinis
tuæ pervenire desiderat anima mea:
quando ascendam ad te? Quando mo-
rabor in te? O cæli architecte, & posses-
sor omnipotens! Quando transibo ad il-
lam admirabilem & pulcherrimam Do-
mum tuam: ubi personat vox latitiae & ex-
ultationis, in tabernaculis justorum: Ubi
est

Aprilis 1.

9

est sempiterna vita, sempiternè beata: ubi
est dies aeternus, & unus omnium spiritus.
Concupiscit ac deficit anima mea, in atria
tua. S. Aug. med. c. 37. & 17.

ORATIO

Pro felici æternitate obtainenda,
Considerationi indies subjungenda.

O Vera charitas! O æterna felicitas
& felix æternitas, Deus meus & om-
nia! Da nobis, quæsumus, te, æternita-
tēmque beatam, tam clarè cognoscere,
tam sollicitè querere, tam fervidè deside-
rare, & amare; tam profundè cordibus
nostris insculpere, tam strenuè pro ea
pugnare, laborare ac pati in terris; ut in
ea te facie ad faciem videre, amare &
glorificare mereamur in cælis. Per Chri-
stum Dominum nostrum. Amen.

2. Aprilis.

Consideremus nunc Domus hujus
cælestis magnalia, & præcipua
decora. In primis Domus Dæi est magna,
ampla ac magnifica: unde magnitudi-
nem ejus perpendens Propheta Baruch,

A 5

præ

XO Domus aeternitatis. Consideratio
præ admiratione exclamat : O Israel!
quām magna est Dominus Dei, & ingens lo-
cus possessionis ejus ! magnus est & non habet
finem ; excelsus & immensus. c. 3. 24.

Tantam verò magnitudinem quis nobis
mensurare poterit ? Si ex demonstratio-
nibus Mathematicorum , minima firma-
menti stella, decies octies major est toto
terræ globo ; quām magna , quām vasta
erit universa cæli fabrica , tantam stellari-
um multitudinem complexa. Sanè ejus
intuitu, mundus hic noster , non nisi pi-
lula, aut globulus est censendus.

II. Deinde Domus cælestis est *sana* ,
temperata, *serena* & *amœna*, *nullis aëris*
tempestatibus *pervia*; *nullis ventis* ac *ter-
ræmotibus* *concussa*; *nullis fulminibus*
ac tonitruis *obnoxia* ; sed in *perpetua*
temperie & *serenitate* *uniformi* *pérseve-
rans* ; *omnes incolas* in *jugi sanitatem*
conservans , atque ab *omnibus* *morbis*
ac morte liberans. *Nox ibi nulla*, inquit S.
Augustinus , *nulla tenebra* , *concursum nu-
bium nullus*, *nec frigoris*, *ardorisve asperi-
tas nulla* ; sed talis erit rerum *temperies* ,
quam nec oculis vidit, *nec auris audivit*,
nec

nec in cor hominis ascendit ; nisi illorum ,
qui eā perfrui digni inveniuntur , quorum
nomina scripta sunt in libro vita . Man. c.
17. Verè paradiſus voluptatis & delicia-
rum . Gen. c. 2. 8.

III. Tertiò , Domus cælestis & munda ,
pura , nitida , ab omni labe & macula , tamen
naturali , quām morali prorsus libera .
Puris cæli civibus digna ; digna quam
Dei puritas infinita incolat ; in eāque glo-
riæ suæ fulgorem ostendat : nam primè
ut in hymno canit S. Petrus Damianus :

*Solis gemmis pretiosis hæc structura
nectitur :*

*Auro mundo tanquam vitro , urbis
via sternitur :*

*Abest limus , deest fimus , lues nulla
cernitur :*

Nullus in ea reperitur pulvisculus , nul-
lum in pavimento lutum , nullæ in parie-
tibus telæ aranearum : sed cuncta in eo
sunt decore ac nitore , ut omnium intuen-
tiū oculi , mentesque summe oblecten-
tur . Deinde nulla ibi reperitur macula
peccati : quia non intrabit in eam aliquod
coinqinatum , aut abominationem faciens ,

12 Domus eternitatis. Consideratio
aut mendacium. Apoc. c. 21. 27. Nullus
in eam ingreditur impius, nullus habitat
iniquus nullus intrat immundus, ait S. Gre-
gorius in Psal. 7. pœnit. Quin & omnis
ab ea peccati radix exulat: ibi enim nulla
viget passio, prava concupiscentia nulla,
nullum vitium, nullum tomiris incenti-
vum: sed mera ibi floret innocentia, ful-
get justitia, splendet castimonia; & ex-
cellentissima in omnibus sanctimonia
regnat.

Aspirationes.

O Domus Dei magna, domus immen-
sa! quando ex angustis hisce tugu-
riis, ad angustum tuam perveniam ampli-
tudinem? O domus salubris, domus se-
rena! quando ex hisce tempestatibus ac
procellis, ad tuam enatabo malaciam? O
munde immunde, munde in maligno po-
site! quando te deseram, & in mundum,
sanctumque cœli transibo habitaculum?
Verum Domine, quis habitabit in taber-
naculo tuo, aut quis requiescet in monte
sancta tuo? Qui ingreditur sine macula &
operatur justitiam. Psal. 14. 1. Quare, ô
Chri-

Christiani, gloriæ cœlestis candidati! si aspiratis ad hoc aīplum, serenum, mundum, sanctumque tabernaculum; sectamini justitiam, diligite munditiam, custodite innocentiam: *Pacem sequimini cum omnibus & sanctimoniam;* sine qua nemo videbit Deum. Hebr.c.12.14. Nemo in hoc magnum, amoenum & purum intrabit tabernaculum.

3. Aprilis.

I. Perpende denique, omissis pluribus aliis, quod Domus hæc beata sit admodum *dives & opulenta*; in quam, omnia naturæ, gratiæ & gloriæ bona, quæ desiderari queunt, quasi pleno fluminis imperu, confluunt: *Gloria & divitiae in Domo ejus*, qui est dives in omnes. Dominus Deus noster: Et tamen hæc Domus, præter morem hujus sæculi, est omnino pacata ac tranquilla, ab omnibus litibus, iurgiis & controversiis libera: quia nunquam auditur ibi meū ac tuum, frigidum illud verbum, omnium discordanterum seminarium: omnia enim bona, quæ istic reperiuntur, non unius privati

A 7

sunt;

14 *Domus aeternitatis. Consideratio*
sunt; sed omnibus communia. Non potest
esse aliquid in celo privatum, quod non fiat
commune; ubi tanta est unitas, sincera dilec-
tio, perfecta pax, invidentia nulla. S. Lau-
rent. Justin. L. de contemptu mundi.

II. Atque ex hoc capite Domus hæc,
Cœnobii, aut Collegii cuiuspiam religio-
si ectypion, seu potius prototypon nun-
cupari posse videtur: in ea enim velut in
cœnobia eminenti ac perfecto, omnia
bona sunt ex esse communia. Ibi enim
est communis salus, communis habita-
tio, communis refectio, communis amor,
communis lætitia, communis lingua,
communis opulentia, communis gloria,
communis tranquillitas, communis secu-
ritas, communis jucunditas, communis
felicitas, communis aeternitas, commu-
nis beatitudo, communis Deus. O bea-
tum cœnobium! o divinum habitacu-
lum! Ubi summa dilectio & unus omnium
spiritus: ubi dispar est gloria singulorum, &
communis lætitia omnium: plena & perfe-
cta ibi regnat charitas, quia Deus est omnia
in omnibus. S. Aug. l. c.

III. In hoc religiosissimo domicilio,
cale-

cœlestique cœnobio , ducitur anima in triclinium, ut sine fame reficiatur, ut sine siti inebrietur ; ducitur in dormitorium ; ut sine torpore dormiat : ducitur in oratorium, ut ibi sine tædio oret, Deumque laudet : ducitur in claustrum , ut ibi sine fastidio sedeat & quiescat. Pectus *ESU* ibi est refectorium : sinus *ESU*, est ibi dormitorium ; vultus *ESU* est ibi oratorium ; longitudo , latitudo , sublimitas & profundum *ESU*, est ibi claustrum : consortium *ESU*, & omnium Beatorum, est ibi capitulum. Petrus Cellensis L. de pan. c. 7.

Desiderium Domus cœlestis.

O Domus Dei opulenta! Domus charitate plena, Domus eminenter religiosa , ac bene ordinata , omnia habens communia , quando tuus ero incola ? Quando in te reficiam, inebriabor, quietam , laudesque divinas sine fatigazione deponam ? O Hierusalem Domus Dei aeterna, post Christi dilectionem , tu es lo latitia & consolatio mea ; dulcis memoria tui beatitudinis, sit elevatio mœroris, tædierum- que

16 Domus eternitatis. Consideratio
que meorum. O quam mira, quam pulchra,
quam acceptabilia, sunt Domus tuae habi-
tacula, Domine virtutum! Concupisca in-
trare in ea, haec peccatrix anima mea. Do-
mine dilexi decorem Domus tuae, & locum
habitationis gloriae tuae. S. Aug. med. c. 20.
& 37. Ut in eo aeternum habitem, & bea-
tus inter beatos, perpetuo te laudem &
glorificem. Beati enim qui habitant in do-
mota, Domine, in secula seculorum lau-
dabunt te. Psal. 33. 5.

CONSIDERATIO II.

Primus ingressus Domus beatæ
aeternitatis.

Intra in gaudium Domini tui. Matth.
cap. 25. 21.

4. Aprilis.

I. C on sideratā domo cælesti, perpen-
de, qualis, quantaque animæ bea-
tæ, in primo ejus ingressu, futura sit læ-
titia; quanta mentis exultatio, & quasi li-
quefactio. Sed quis eam vel mente con-
ceperit, vel verbis expresserit? Gloriosi
hujus, lætiique introitus typum nonnul-
lum